

CHRIST, ÑKUKURE ITIAT-UKOT-UFỌK

1 Ñwed Corinth 1:10-17; 3:1-23

ỌYỌHỌ UKPEP-ÑKPỌ 390

Eke Ikpọ Owo

IKỌ IBUOT: “Baba owo kiet ikemeke ndinim itiat-ukot-ufọk efen mbe se ema ekenim, emi edide Jesus Christ” (1 Ñwed Corinth 3:11).

I Nsek Nditọ Ke Christ

1. Mbet okokot ndusuk mme anditiene-Christ ke Corinth nsek nditọ ke Christ, 1 Ñwed Corinth 3:1, 2; Ñwed Mbon Ephesus 4:14.
2. Enye ama asua utọk, obukidem, ye ubahare ke otu mmọ emi eyomde ndidi mme anditiene-Christ, 1 Ñwed Corinth 1;10-17; 3:3, 4.

II Utom Ọkwọrọ-Ikọ Abasi

1. Nditọ nnyuñ nduok mmọñ edi mme utom ọkwọrọ-ikọ, edi ñkọri oto Abasi, 1 Ñwed Corinth 3:5-7; Psalm 126:5, 6.
2. Nti mme ọkwọrọ-ikọ Abasi edu esit kiet, 1 Ñwed Corinth 3:8, 9; Ñwed Mbon Rome 12:5.

III Ufọk Emi Abasi Ọbọpde

1. Anditiene-Christ ọbọp odori ke Christ, itiat-ukot-ufọk Eti-mbuk, 1 Ñwed Corinth 3:10, 11; Isaiah 28:16; 2 Ñwed Timothy 2:19.
2. Ndusuk ebọp ke nti ñkpọ-utom; mmọ eken eyuhọ ke ndida mbiara ñkpọ-utom mbọp, 1 Ñwed Corinth 3:12; Eriyarare 3:18.
3. Ikañ eyedomo kpukpru utom owo, 1 Ñwed Corinth 3:13-15; Mme Hebrew 12:27.

IV Mme Ebiet-iduñ Abasi

1. Mmọ emi efakde ekabare edi mme ebiet-iduñ Abasi, ndien ebiet-iduñ Abasi enyene ndifon mma, 1 Ñwed Corinth 3:16, 17; 2 Ñwed Corinth 6:16-18.
2. Ebiet iduhe inọ “ifịk ererimbot emi” ke ebiet-iduñ Abasi, 1 Ñwed Corinth 3:18-20; James 3:14-18.
3. Kpukpru mmọ emi efakde enyene Christ, ndien Christ edi eke Abasi, 1 Ñwed Corinth 3:21-23; Ñwed Mbon Rome 14:8.

SE EKPEPDE EBAÑA

Mbet emi ama anam utom ọkpọsọñ ebighi ke obio Corinth. Ọbọñ ke Idemesie ama ayarade owut Paul ke ñkukut ete ke ediwak owo edu emi edinyimede Ikọ Abasi ke obio oro. Ediwak ubiọñọ ema edu, akpan-akpan oto mme Jew emi ekesọñọde eda enọ mme usuñ ye edu edinam mmọ; edi ikọ Abasi ama enyene erikan, ndien ediwak ukpọñ ema emana eduk ke obio-ubọñ Abasi.

Ke ekpri ini ama ekebe ke Paul ọkpọñde ufọk-Abasi ke Corinth, enye ọtọñọ ndibọ mme etop emi edọhọde ete ke ñkpọ ikaha iso nte ọfọnde ke ufọk Abasi. Kiet ke otu mme edinam emi okotimde ọdiok ekedi emi ndusuk owo ke otu mmọ ekebaharede idem mmọ esin ke ikpehe ke ikpehe, ikpehe kiet-kiet emek owo kiet ke otu mme ada-usuñ nte etubom mmọ. Paul, owo-mbet ama asua ọnọ oruk edinam emi, ọdọhọ ete, “nte Christ edida udeme ye mmọ eñwen?” Jesus ama etiññko abaña ubahare: “Kpukpru obio edidem eke abaharede ada ańwana ye idem esie, oduk nditaha; kpukpru obio mme ufọk eke onyũ abaharede ańwana ye idem esie idisọñọke ida” (Matthew 12:25). Ata ima Abasi ikamake mfaña ye ubahade, ñko ñwọrọ-nda uduot obukidem iduhe ke esit ye uwem mmọ emi edide ata nditọ Abasi.

Mbubiam Ñkohoridem

Mfaña emi okotibede ọwọrọ ke ufọk-Abasi ke Corinth okoto nkohoridem ye obukidem emi okodude ke esit ndusuk mmọ. “edi iseri ikpọn esin utọk” (Mme Nke 13:10). Nwede Abasi otim etiñ akpanikọ ete ke iseri inyeneke itie ke esit mmọ emi enamde nkọọ enọ Abasi: “Jehovah اساسua nkọọ mbitiokiet emi: ukpọn esie onyũ ese mbitiaba emi ke mbubiam: Nkọkidem ...” (Mme Nke 6:16, 17). “Koro ofuri-ofuri se idude ke ererimbot, mbumek obukidem ye mbumek enyin, ye ikpikpu ubọn uwem emi, itoho Ete, edi oto ke ererimbot” (1 John 2:16).

Utom obukidem ọkọtọnọ toto ke Inwañ Eden. Adaña oro ke nda-mmana idiọk-nkọọ okoduk ke esit owo ke ini mme ete-ete nnyin eketutde utọn ke uyo Abasi. Mmọ ekewọrọ ke idak ukara ọkpọsọn Abasi eduk ke ukara satan. Ama oto ke ndiñwana ye Abasi nnyuñnkop uyo satan mmọ eda akwa idiọk-nkọọ emi enọ idem mmọ. Mmọ ema eduok uduot edisana uwem ekabare eduk ke idak obukidem.

Ntak Edinyene Edinam-Asana

Ke ebighidebighi me ke ọsọpdesọp, uduot idiọk-nkọọ ke esit owo enyik owo ndinam idiọk-nkọọ ekededi. Ke adaña emi owo akabarede ọkpọn idiọk-nkọọ onyũ etienede Abasi, eyefen kpukpru idiọk-nkọọ oro. Edi uduot idiọk-nkọọ oro enye akadade amana eyesuk odu ke esit esie, emi enye akadade oto mme ete-ete esie. Abasi ama asiak usuñ oto ke ediwa Eyen Esie, man oto do owo emi ema ekefen ke mme idiọk-nkọọ esie, ọkpọbọ edinam-asana nte ọyọhọ utom mfọn iba emi enamde ke esit ini kiet, emi owuberede uduot idiọk-nkọọ ofuri-ofuri osio ke esit. Ntak edi oro odotde ndiyom enọ edinam-asana.

“Baba owo kiet emi Abasi okobonde inamke idiọk-nkọọ” (1 John 3:9). Kpa ye oro ubiọnọ ye udọn eyedu ke esit onyũ ada mfina ọnọ ukpọn. Owo emi ema ekefen mme idiọk-nkọọ esie eyema ndifehe mbine Abasi ke akam, idighe koro anamde idiọk-nkọọ, edi koro enyenede udọn ke ukpọn abaña ntọtuñọ ifiọk Abasi, man ọbọ edinam-asana, onyũ ọnọ ukpọn esie emem. Edieke owo emi ama ekenyene utebe-ikpe etrede ndimen mme ubiọnọ ye idiọk udọn ke esit esie nsọk Abasi ke akam nnyuñ nyom uñwam, akamba ndik odu, koro mme nkọọ oro eyekọri enyũ ekan enye ubọk. Etie nte emi edi se ikotibede inọ ndusuk mmọ emi ekekabarede esit etiene ukpẹp-nkọọ Christ ke Corinth. Mmọ ikesimke mfọn-mma edi ema efiak eduok eduk ke idiọk-nkọọ.

Anana-Ndo

Ke nwede emi ekenode esọk mbon Ephesus, owo-mbet ọdọhọ ete “Mme ebe, ema iban mbufo, kpa nte Christ akamade ufọk Abasi, okonyuñ ayakde Idem ọnọ ke ibuot esie; man enye akpada mmọnọkọrọ ye ikọ Abasi eyet ọkọp esie, anam enye asana; man akpada enye ọnọ Idem Esie nte ufọk Abasi emi ọyọhọde ye ubọn, minyuñ inyeneke ntọi mme eriñwine mme oruk nkọọ eke etiede ntre; edi man enye asana onyũ anana ndo” (Nwede Mbon Ephesus 5:25-27). Ke ndimenere nwut idiọk-nkọọ emi okodude ke uwem ndusuk mbon Corinth, Spirit emi ekebede ke Paul, ama odomo ndida mmọ nsin ke ọyọhọ idaha mfọn mme anditiene-Christ. Man mmọnko ekpedi ufọk Abasi emi ananade ndo me eriñwine, oro ekedi idaha edu-uwem emi ekeyomde mmọ enyene.

Edisana Ido Ye Edidiana Kiet

Nte ema ekemen ewut, oruk mbufiọk emi itoho ke ukeme owo ndinam idem esie asana, mme ndiyak mme ekikere esie nsin ke mme nkọọ enyọn. Enam esit owo asana oto ke Iyip Ufak. Nwede Abasi otim anam ańwaña nnyin ete ke enọ edinam-asana idighe eke mme idiọk owo. Edinam-asana enyene ufọk Abasi. Kpa nte Jesus ọkọbọnde akam abaña edinam mbet esie esana, emi ekedide mme ntuñọ ufọk Abasi Christ, Enye ekebeñe ete: “Mmebeñe Fi mbaña mmọ, mbeñeke mbaña ererimbot, edi mbeñe mbaña mmọ oro ọkọnọde Mi: koro mmọ edi okuo . . . Man mmọ kpukpru ekpakam edi kiet, nte Afo, Ete, odude Mi ke idem, Ami nnyuñ ndude ke Afo; man mmọ enyũ edu ke nnyin: man ererimbot enim ke akpanikọ ete, edi Afo ọkọdọn Mi” (John 17:9, 16, 17, 21).

Abasi ama ọbọrọ akam Jesus emi, nte emi Enye ọkọbọrọde kpukpru akam emi Jesus ọkọbọnde, koro tọnọ ke ini oro nnyin ikotke aba ibaña utọk ke otu mbet. Ini kiet ko utọk ama odu ke ufọt mmọ ke abaña owo emi editiede ekpere Jesus ke Obio Ubọn Esie, edi ke mmọ ema ekebọ enọ mfọn emi mmọ ifiakke itiñ oruk ikọ ntre. Efen nko nnyin imokot ite ke ini mbet ekebohode ke ubet enyọn ke usen Pentecost, ke ini Abasi okoyomde ndidọn odudu Edisana Spirit, nnọ mmọ, man mmọ ebọ Uduok-mmọn Edisana Spirit, mmọ ema ewut eti edu-uwem emi okowutde ete ke ema enam mmọ esana ofuri-ofuri, koro “Kpukpru mmọ edu ọtọ kiet” (Utom Mme Apostle 2:1). Edinam-asana ada ebuana ọtọ kiet edi. Mme ukpọn emi enamde esana edi kiet ye eken, edi kiet ke Ikọ Abasi, enyũ edi kiet ye Mbuot Abasi Ita ke kiet.

Mme Ifin Ikpọn

“Kpa ntre ke mbufo nko, ke adaña emi mbufo enamde kpukpru se ekedọhọde mbufo, edọhọ ete, Nnyin idi ifin eke minamke utom ibe adaña; inam kpa se nnyin ikpanamde” (Luke 17:10). Paul ikeke nta utok

mme ubahade ke otu mbiowo ufok Abasi ke Corinth. “Ntre ndien idighe andito edi nkpo, inyuñ idighe andibok ke mmoñ; edi Abasi emi onode nkori” Mbiowo ufok Abasi ema edara ndibuana oto kiet ye esit kiet, ke ufot mmo; nta emi ufok Abasi ekpeyomde ubahare me asari ke ufot mmo?

Mme okworo-iko Abasi ye mbiowo enyene nsio-nsio utom mmo, ke akpaniko. Mme eno ye ikot okworo-iko Abasi kiet-kiet ekeme ndinyene ekpri ukpuhede, edi nte okworo-iko Abasi esinde ifik ke ofuri esit esie, Abasi eyeñwam enye, idinyuñ iyakke nsin-ifik esie oworo ikpikpu. Kiet ke otu mme okworo-iko Abasi nnyin ayarade akpaniko emi: Mmoñ uwem edi akpan nkpo ono ukpoñ; nkpo-mmoñ emi edade etoho mmoñ inyeneke ukpuhede ekpedi eda sidibe (silver) mme ikim enam.

Idighe mme mbet ekedi anditono mbuotidem mme anditiene-Christ, okposuk edi mmo ekedide nkpo utom emi Abasi ekemekde man eyarade Iko Abasi eno ererimbot. Idem mme mbet ikedighe nkpo ke idem mmo, koro mmo ikekemeke ndinam baba nkpo kiet ibohoke Abasi odu ye mmo onyuñ ono mmo nkori. Abasi esida ediwak nkpo utom anam utom, esin mmo ke ebiet emi ekemde onyuñ otimde ofon ye mmo. Paul ama anam eti-eti ke utom edito Iko Abasi; Apollos eketiene ye aban ediduok mmoñ; edi nkori okoto Abasi. Nkori utom Abasi enyene ndito edidion Abasi. Ata nworo-nda ye nti mme okworo-iko Abasi emefio unana ukeme mmo, enyuñ etim ekpeme ndino Abasi ubon ke nkori emi etienede.

Etubom Obop-Ufok

Mbet okpon andito onyuñ ekere abana Jesus Christ nte nkukure Itiat-ukot-ufok, ye owo Abasi kiet-kiet nte mme andibop ndori ke itiat-ukot-ufok oro. Kpukpru mme nti okworo-iko Christ ebop edori ke itiat-ukot-ufok emi. Kpukpru ndito Abasi enyene idorenyin ke itiat emi. Ukpep-nkpo Andinyaña nnyin ye mkpe-ubok Esie edi se ndito Abasi ekpekamade, emi edide nono mbuotidem nnyin emi nko onyuñ edide itiat-ukot-ufok ofuri Iko Abasi. Mbet emi ama otim anam efio enye “nte etubom obop ufok” emi ekesinde itiat-ukot-ufok esie ke esit mme anditiene-Christ ke Corinth, idighe nte enye okonim itiat-ukot-ufok ke akpa ini edi, edi koro enye ama okworo abana Jesus Christ nte nkukure usuñ erinyaña kpukpru owo. Emi ama akabare edi utom ono mmo nte edibopde idori ke itiat-ukot-ufok emi. Mmo ema etono ndibop nte ofonde, edi Mbet emi ama okop ndik sia mmo ekedade nkpo eke mitimke ifon ebop ndusuk ufok.

Ini Udomo

Ndusuk ebop edori ke eti itiat-ukot-ufok “gold, silver, oson urua itiat”. Ke editim ntiñ mme okworo Iko Abasi emi edude ke otu emi enam utom Abasi ke ofuri esit, ye ke ofuri ukpon, ye ke ofuri ekikere ye ke ofuri odudu nte enam eno Obon. Inamke nte mme Pharisee emi “esiode ubak ikon ye mfri ye mkpasip kiet ke itie duop” ikpon-ikpon eno Abasi, edi mmo emi ekpeme mme ikpo nkpo ke ibet: ikpe, mbom ye mbuotidem, (Matthew 23:23). Idighe nte emi akparawa owo inyene akanamde, mmo iketere ndino mme ubuene nkpo (Matthew 19:20), ndien ke akpatre okuk odot se onode Obon ke ofuri esit (Mark 12:44). Edi nkpo mkpa-idem nte ke owo ekeme ndida mme nkpo ererimbot emi ye mme inyene ererimbot emi nno Abasi ye Iko Abasi, ndibop ndori ke eti ye nkukure itiat-ukot-ufok, ndien Abasi nko eyemenere idaha mmo ke nsinsi ibat, eyeno eti obop ufok oro nsinsi utip.

“Edieke ikañ editade utom owo, eyetak owo oro; edi eyenyaña enye ke idem esie, nte nkpo eke ekebede ke ikañ oboho”. Ufañ-nwed iko Abasi emi odomo ndiwut ete ke idighe kpukpru owo enyene ufiop-ufiop udon oro ke abana Iko Abasi. Mme owo ke ikpehe enye emi ebop edori ke itiat-ukot-ufok, nko; edi nkpo ubop ufok mmo ekedi “Obukpok, nnyanyaña, mbio”. Mmo ema ebop edinyaña, edi mmo ikesinke idem eti-eti man mme ukpon efen eboho. Inyene mmo ama otot eti-eti ke nkpo ison emi akan ke nkpo Heaven. Esit mmo ekeme ndiyoho ye nti ekikere ye se idude ke Heaven, edi idaha mme ekikere ye mkpe-mbiere emi isin ke edinam kpukpru ini, mme ndika iso nsim eti idaha.

Ikañ Abasi eyedomo kpukpru utom owo. Ebiet iduhe mi ndisono baba nkpo kiet emi mme owo ekotde ebiet ekpri ndutuhok ke ikañ. Iko otim owut nte edidomode, onyuñ ayarade owut oruk utom owo kiet-kiet.

Akpatre udomo anditiene-Christ idighe se owo ekemede nditiñ nte enye okofioke nkpo, edi nte enye akanamde akpaniko, ye utok esit emi enye akadade anam, ke edino nsinsi utip esie nte asanade. Edi ikañ Abasi eyedomo onyuñ ayarade. Nkpo iduhe eke edibionode eme (gold), me sidibe (silver) me oson-urua itiat ke usuñ ekededi, edi eyeyama onyuñ ono akwa uyama oto ke edeme ikañ. Ke nkañ eken, obukpok, mme nnyanyaña, mme mbio eyeta ikañ enyuñ ekabare nono. Utom ndusuk owo eyebiara enyuñ etak, ke ini utom ndusuk owo edisonode eda. Kpukpru owo ekpekam ekop Iko Abasi, enyuñ esin ifik ke utom man se mmo ekenamde ekpedot eti utip!

MME MBUME

1. Nso oruk utok okotibe ke ufok Abasi ke Corinth?
2. Nso edi ntak emi utok mifonke?
3. Nso ke Abasi ada okok utok ye ido obukidem?
4. Ke nso utok usuñ ke Paul okot idem esie “etubom obop-ufok emi enyenede eti ibuo?”?
5. Nso oruk itiat-ukot-ufok ke ebop ufok Abasi mme anditiene-Christ edori?
6. Mme anie edi mme obop-ufok Abasi ikot Christ?
7. Nso idi ndusuk nkpọ utom emi esidade ebop ufok?
8. Ke nso utok usuñ ke ididomo utom owo kiet-kiet?
9. Nnyin kiet-kiet ikeme didie ndinyene idorenyin ndibọ nsinsi-utip?